

أنت مين؟



كل لحظة يأس عدت
كل فرح ماكانش ليك
كل حلم رفض يتحقق
وساب جرح معلم فيك
كل أمل بنيته بإيدك
وانهار وأنت بتبنيه
وكل حاجة اتعلقت بيها
وفجأة طارت من إيدك

كل دى حاجات بتثبت
إنك شيتت قبل الألوان
وإن شروخ الروح باينة
مهما داربتها بالألوان
وإن ملامحك تاهت منك
وإن الضحكة مابقتش تبان
وإنك ساكن قلوب كثير
وقلبك خالٍ م السكان

ولسه باقي فيك حنين
للملامح اللي تاهت
لسه من جواك أصيل
وباقى ع الناس اللي باعت
ولسه بتحب بضمير
لسه بترد الجميل
ولسه شايف وصفي ليك
وصف مش واضح وباهت

لسه برضه مش مصدق
إن الهمّ عاملك كمين
وإنك لابس توب القوة
وأنت أضعف م الجنين
دا وصفي ليك بيعكس حقيقتك
وأنا مستني أسمع إجابتك
لما تشوف نفسك فى مرايتك
وتسأل نفسك: أنت مين؟

* * *



﴿ خسر السباق ﴾

رمى الزهر من غير ما يقرص عليه

خانه الزهر وخسره

أدوار الطاولة

امتلك العلم وراح يحارب بيه

خسر قصاد المحسوبة

ألف جولة

راهن على فرس الطموح بالإصرار

فرس الفساد كان أسرع

ف خسر السباق

صاحبه اليأس وخده في طريق الانتحار

وقبل نهايته بخطوة واحدة

ضميره فاق

دخل قلبها من باب - ما دخلش م الشباك

ومشى ع الشوك بإرادته

رغم إنه كان حافي

وجاب م الذهب حبة - وم الحب أطنان

كتبت له على بابها
الحب مش كافي

دا مفيش حاجة في حياته بتكمل
كل حاجة قبل النهاية
بتمشي عكس
دا لما شاف الفرحة وقرر يعدلها
خبطه أتوبيس الحزن
وهو راجع عكس

* * *



جرّيمة

كان لازم لحظة الفراق ماتكونش صامتة
كان لازم يكون في عتاب وحوار له قيمة
كان لازم برضه الإشتياق يكون له كلمة
كان لازم نحافظ على القلوب دايمًا سليمة

وكل ذكرى بينا تجرى تجمع شتاتنا
كان لازم قلوبنا تحنّ وتكون كريمة
كان لازم يكون في بينا لقاء ملحمي
كان لازم مشهد يليق بحجم الجريمة

* * *

الفهرس

١	 الشعر الأبيض
٥	 سيب بقشيش
٨	 العنكبوت
١٠	 معاملة ضيف
١٣	 قطع وتر
١٤	 داء الغفلة
١٦	 الطوفان
٢٠	 الخريف
٢١	 المعجزات
٢٣	 ميكروب
٢٦	 زي لمسة
٢٧	 طفلة في العشرين
٢٩	 هجرة
٣٠	 الصورة
٣٢	 أنت الحطب
٣٤	 حنظلة
٣٨	 صرخات الجوع
٣٩	 الوش جبس
٤١	 صورة
٤٢	 عيون العبيد

٤٥	 ملناش نصيب
٤٦	 قرار إزالة
٤٩	 القناص
٥١	 التماس العذر واجب
٥٣	 قلب تحت الاحتلال
٥٧	 موج الحنين
٥٨	 اعتكاف
٦١	 زووم
٦٣	 وارب شيش
٦٤	 العلف
٦٧	 الولد والكومي
٦٩	 صيام
٧١	 النكسة
٧٤	 رُبْع
٧٥	 تهريج
٧٧	 سطر
٧٩	 العمر نَشال
٨٠	 المؤامرة
٨٣	 حلم على الشماعة
٨٤	 بقيت شفاف
٨٥	 قبر وكفن
٩٠	 أقراص
٩١	 آخر محاولة

٩٣	 أثر الحنين
٩٦	 مناقصة
٩٧	 المذبحة
١٠٠	 باب
١٠٢	 الكذب غاية
١٠٣	 طقوس
١٠٥	 أقدم قطعة جوه النيش
١٠٦	 رسالة لعمر بن الخطاب
١٠٨	 كولدير
١٠٩	 مَسْكَنَات
١١١	 بطولة
١١٢	 السفينة
١١٣	 حرب استنزاف
١١٤	 المحطة
١١٦	 مضاد للكأبة
١١٧	 سراب
١١٩	 ثلث أسود
١٢٠	 قُبلة
١٢١	 أكيد كداب
١٢٣	 أنت مين؟
١٢٦	 خسر السباق
١٢٩	 جريمة



للتواصل مع الكاتب

Facebook: @Ma7moud.Sob7i

Instagram: @Mahmoud.Sobhi.1

Official Page: @Mahmoud.Sobhi.Poet